

Potpisivanje Ugovora o uspostavljanju adresnog registra za područje općine Centar Sarajevo

17.11.2015 10:32



FGU
Federalna uprava za geodetske i imovinsko-pravne poslove

U svrhu zajedničke implementacije Projekta izrade adresnog registra općine Centar Sarajevo, predstavnici Federalne uprave za geodetske i imovinsko-pravne poslove i CILAP projekta su 16. 11. 2015. godine potpisali Ugovor za uspostavljanje adresnog registra. Ugovor su potpisali načelnik općine Centar Sarajevo gosp. Dževad Bečirević, direktor Federalne uprave za geodetske i imovinsko-pravne poslove gosp. Željko Obradović i direktorica CILAP projekta gđa Anđa Zimić. Tom su prilikom direktor Uprave i direktorica CILAP projekta izrazili veliku zahvalnost načelniku općine Centar Sarajevo na ukazanom razumijevanju i spremnosti na saradnju u obostranom interesu.

Sljedeći koraci će obuhvatiti konverziju postojećih podataka, instalaciju aplikacije za uspostavljanje i vođenje sistema adresnog registra i obuku za njeno korištenje, isporuku potrebne računarske opreme, te osiguranje redovne replikacije podataka u centralnu bazu podataka Federacije BiH.

Krajnji cilj CILAP projekta je uvođenje sistema za vođenje adresnog registra u okviru gradskih i općinskih uprava, što će omogućiti uređenje ove oblasti i rješavanje mnogih problema vezanih za rad lokalne i centralne administracije. Razvoj potpuno operativnog adresnog sistema je jedna od veoma važnih pretpostavki za uspostavljanje funkcionalnog i dobro organiziranog društva.